

靈寶无量度人上品妙經卷之十三 地三

太乙元精品

道言昔於元黃天中紫空金碧大方明土受  
 元始度人太乙元精无量上品元始天尊當  
 說是經周回十過以召十方始當詣座天真  
 大神上聖高尊妙行真人黃老元帝太乙元  
 精妙空真君中央九壘三十六皇君仙玉地  
 真大神土中真皇靈仙土下官曹司馬元歎  
 敷衆升空而來碧霞黃雲綵輿瓊輪丹華垂  
 蔭元精玉光叢萃瑞色洞煥太空五日五夜  
 太乙神真徧覆諸天日月官府星斗宮闕龍  
 馭无馳玉機停捷纏層凝輝洞如金色冷颼  
 靜爽天谷深湛綠煙依微明輝昭啟碧天流  
 網紫煙飛霽三元浩回四炁眇清一國地土  
 山川林木緬安平砥無復高下土皆金瑤厚  
 柔合輝彩綺霞觀無有異色衆真侍座元始  
 天尊玄座空浮五色神龍之上說經一徧諸  
 天大聖同時稱善是時一國男女目覩心思  
 諸天諸地辰景山海瓊臺寶閣仙聖鬼神自  
 何出生而具此相說經二徧思念日月交流

河海並注憑何運接依空獨立說經三徧一  
 切天人回光洞視悉入玄元道合虛皇說經  
 四徧一切天人俯仰三界雲動風施存臻嘉  
 瑞說經五徧證悟此本太乙元精九形真土  
 感化而生說經六徧靈心頓開懸知天地陰  
 陽順度萬物遂成說經七徧玄沈泛灑玉芝  
 自生龍虎悲吟感悟法相說經八徧身鍊為  
 空空化為真如是神通實為希有說經九徧  
 大會咸悅瞻見元始得悟道機元精為妙說  
 經十徧天樂流韻萬籟齊聲玉相垂慈潔如  
 空素是時一國是男是女莫不傾心皆受護  
 度咸得長生  
 道言是時元始天尊說經一徧東方无極无  
 量品太乙元精至真大神無缺之衆浮空而  
 至說經二徧南方无極无量品太乙元精至  
 真大神無缺之衆浮空而至說經三徧西方  
 无極无量品太乙元精至真大神無缺之衆  
 浮空而至說經四徧北方无極无量品太乙  
 元精至真大神無缺之衆浮空而至說經五  
 徧東北无極无量品太乙元精至真大神無

缺之衆浮空而至說經六徧東南无極无量  
 品太乙元精至真大神無缺之衆浮空而至  
 說經七徧西南无極无量品太乙元精至真  
 大神無缺之衆浮空而至說經八徧西北无  
 極无量品太乙元精至真大神無缺之衆浮  
 空而至說經九徧上方无極无量品太乙元  
 精至真大神無缺之衆浮空而至說經十徧  
 下方无極无量品太乙元精至真大神無缺  
 之衆浮空而至十徧周竟十方无極太乙元  
 精天真大神一時同至一國男女傾心歸仰  
 咸聞  
 元始天尊宣演太乙元精之法出生天地三  
 界仙聖鬼神必依真土胞胎養育然後而成  
 真土者非有形頑滯之土茲乃五行鍊化先  
 天地生道之全體無形真土識此真土自然  
 得道必當禮觀元始求此妙法來者有如細  
 雨密霧無缺之衆迺國一半土皆偏陷非可  
 禁止於是元始懸一寶珠大如黍米在空玄  
 之中去地五丈元始登引天真大神上聖高  
 尊妙行真人黃老元帝太乙元精妙空真君

11011A 24-0

土中土下一切真靈无量聖衆十方元極大  
乙元精至真大神無執數衆俱入寶珠之中  
天人仰看惟見拂拂從珠口中入既入珠口  
不知所在國人靡散地還平正無復歎陷元  
始即於寶珠之內說經都竟衆真監度以授  
於我當此之時喜慶難言法事粗悉諸天復  
位修歎之間寂無遺響是時天人值遇經法  
普得濟度全其本年無有中傷傾土歸仰成  
行信心道信經信師信法信位信證信常  
信生信化信本言無華曲口無邪聲齊同意  
愛異骨成親國安民豐欣樂太平經始出教  
一國以道預有至心宗奉禮敬皆得度世  
道言元始天尊說經中所言並是諸天上帝  
內名隱韻之音亦是真王內諱百靈之隱名  
也太乙元精者無形真土也真土無形即是  
太空太空爲土其中生出三界一切天地真  
仙龍神人鬼兆若知之以有合無以性合空  
以神合道即爲高真非世之常辭上聖已成  
真人通玄究微能悉其章誦之十過諸天遙  
唱萬神設禮太一臨景河海靜默元精布化

山嶽藏靈真土孕明內生日月無形示象璇  
璣不行群魔束形鬼精滅爽迴屍起死白骨  
成人至學之士誦之十過則五帝侍衛三界  
稽首魔精喪眼鬼杖滅爽濟度垂死絕而得  
生太一施德元精散靈收炁於空招神於無  
續命繼生土爲命先所以爾者學士穢炁未  
消體未洞真以制十方威未制天政德可伏  
御地祇束縛魔靈但却死而已不能更生輕  
誦此章身則被殃供養專禮門戶與隆世世  
昌熾與善因緣萬災不干神明護門斯經專  
妙獨步王京度人无量爲萬道之宗巍巍大  
範德難可勝  
道言凡誦是經十過諸天齊到太乙元精土  
真變生道胎分神泉曲開明德曾萬祖幽魂  
苦爽皆即受度上升朱官格皆九年受化更  
生得爲貴人而好學至經功滿德就皆得神  
仙飛昇金闕遊宴至京也上學之士修誦是  
經太一孕靈土主五福元精入身皆得受度  
飛昇南宮世人受誦則延壽長年土爲金母  
水爲土孫土爲元炁金爲真鉛水既遇金鉛

與未親識者不死遇者知真然後皆得作尸  
解之道魂神暫滅不經地獄即得返形遊行  
太空含咀土精普度無窮一切天人莫不受  
慶无量之福生元家惠上天所寶不傳下世  
至士齋金寶效心盟天而傳經泄漏慢殃及  
七祖長役三塗侍經五帝王童王女各二十  
四人管衛神文保護受經者身  
道言正月長齋誦誄是經太乙元精萬變生  
形爲上世亡魂斷地速役度上南宮七月長  
齋誦誄是經太乙元精土爲生根身得神仙  
諸天書名黃蘇白簡削死上生十月長齋誦  
誄是經太乙元精土號帝尊中臨四方乘黃  
豐文爲國王帝主君臣父子安鎮國祚保天  
長存世世不絕常爲人君安鎮其方民樂太  
平八節之日誦誄是經太乙元精八風朝元  
太一在庭五福來佑八難不經得爲九官真  
人本命之日誦誄是經太乙元精保命長生  
元形上祖元始前生生命之本隱于太玄闕  
目無見惟觀太玄空玄爲寶悟之昇仙魂神  
澄正萬炁長存不經苦惱身有光明三界侍

衛五帝司迎萬神朝禮名書上天功滿德就  
飛昇上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲

氣之中內外齋冥有青龍白虎朱雀玄武  
師子白鶴羅列左右日月照明洞煥室內  
太乙元精之氣炯炯赤景居北頂上項生  
圓象光映十方如此分明密呪曰

无上玄元太上道君召出臣身中三五功曹  
左右官使者侍香至童傳言玉女五帝直符  
直日香官各三十六人關啓所言今日吉慶  
長齋清堂修行至經无量度人願所啓上徹  
徑御

无上三十二天元始上帝至尊几前畢  
引悉三十二過東向誦經

元始无量度人上品妙經

元始洞玄靈寶本章太乙元精上品妙首黃  
庭度人百魔隱韻離合自然太乙元精无无  
上真元始祖土名為太空空為太一祖土元  
精胞養三界化生諸天開明三景是為天根

上無復祖惟道為身無處無空無所非土空  
土土空為道之母無形為空有形為土空能  
生化是為真土元無形是為真土土為生  
命識空者仙空可獨化土有至文太乙元精  
真土之名五文開廓普道神靈无文不先无

文不明无文不立无文不成无文不度无文  
不生是為大梵天中之天鬱羅蕭臺玉山上  
京上極无上大羅玉清妙劫劫仍若亡若存  
三華離便大有妙履金闕玉房森羅淨靈神  
霄梵炁周四十方中有太乙元精之神中有

南極長生帝君中有東極青華帝君中有度  
世司馬大神中有好生韓君丈人中有南上  
司命司錄延壽益算度厄尊神迴骸起死无  
量度人今日校錄諸天臨軒  
東方无極飛天太乙元精神王長生大聖无

量度人

南方无極飛天太乙元精神王長生大聖无  
量度人

西方无極飛天太乙元精神王長生大聖无  
量度人

北方无極飛天太乙元精神王長生大聖无  
量度人

東北无極飛天太乙元精神王長生大聖无  
量度人

東南无極飛天太乙元精神王長生大聖无  
量度人

西南无極飛天太乙元精神王長生大聖无  
量度人

西北无極飛天太乙元精神王長生大聖无  
量度人

上方无極飛天太乙元精神王長生大聖无  
量度人

下方无極飛天太乙元精神王長生大聖无  
量度人

十方至真飛天太乙元精神王長生度世无

量大神並乘祥雲絳與青華蓋文輪駘駕  
 黃鳳五色金龍連太一之節元精靈瑞前蕭  
 獵虎齊唱後吹鸞鶴同鳴師子辟邪嘯歌嘯  
 嘯五老塔途群仙翼轅億乘萬騎浮空而來  
 傾光回駕監真度生皇極丞相南昌上宮韓  
 司主錄監生大神執籙把籍齊到帝前體化  
 探玄考驗靈關玄牝之門八極之根吸引太  
 空土炁氤氳空中有真祖命之神接和嚙液  
 腦有土精下流黃庭上通泥丸玄牝呼吸空  
 氣無端天光入淵七世命仙隨所應度嚴校  
 諸天普告三界無極神鄉泉曲之府北都羅  
 鄴三官九署十二河源上解祖考意劫種現  
 疾除罪簿落減惡根不得拘留逼合鬼群元  
 始符命時刻昇遷北都寒化部衛形魂制魔  
 保舉度品南宮死魂受鍊仙化成人身身受  
 度劫劫長存隨劫輪轉與天齊年未度三塗  
 五苦八難超凌三界道遙上清上清之天天  
 帝洞真無色之境梵行

東方八天  
 昭體通生天 帝傳輝子譚

義明理陽天	帝虞戶逸承
神英化靈天	帝無竟訶孫
真慧無方天	帝抱淵力南
光持蒼景天	帝匠洞庶嘉
履昌收期天	帝載疆幽低
洞虛輝靈天	帝直夷加婁
純化道威天	帝尾頂內解
南方八天	
龍梵信光天	帝還求耳光
大元逝炎天	帝哲育辨徊
丹輿平雲天	帝黨還復交
耀華九光天	帝卓爛鍊瑤
文為空海天	帝乙靈播成
朱明散景天	帝泊繫奕塗
佐孚執符天	帝密嶽敬良
耀赤淨修天	帝阿隸宥公
西方八天	
儲神衍丘天	帝崇幾種聞
金真浩懷天	帝陸時碧仙
真妙簡升天	帝亮剛質佗

太空無思天	帝虎凡禱韓
太白定真天	帝泰物田
果才極輔天	帝落儒析倪
掌里齊明天	帝突盧偃社
亶功慶恭天	帝秉康俞垂
北方八天	
淨鍊按地天	帝略茹經
玄蓋斷淨天	帝覺玄奔
承華洞虛天	帝度仙變明
道龍擘明天	帝報順思
泉宮計真天	帝遊玄定蒙
斗嚴校錄天	帝拘神統牢
驅魔拔功天	帝邀載靜高
湛截珠孕天	帝象希秘雲
三十二天三十二帝諸天隱諱諸天隱名天	
中空洞自然靈章諸天隱韻太一之音太一	
之尊太一之神太一元精太一之靈虛一為	
九一為土基極數為十十為土成土非形土	
變化上清无量之奧深不可詳數落神真普	
度天人今日欣慶受度還元知相見道歸真	

仰空引和土胎金神立兆生命為兆真身歷  
 闡諸天請滅三惡斬絕死根飛度五門名列  
 太玄真王監舉無拘天關東斗青龍西斗金  
 虎北斗靈龜南斗鷄首中斗大魁四像依土  
 土為陰胞脫胎乃生青帝付魂白帝育魄赤  
 帝生神黑帝傳靈黃帝主意注性飛神青土  
 神王驅魔遣屍赤土神王勾叱血啗白土神  
 王磨堅道儀黑土神王照精誠駭黃土神王  
 屈多繁徒五方真土太一元精普周太空與  
 空同形變化之母萬神之宗飛行鼓從總領  
 鬼兵麾幢鼓節出入太空自號赫奕諸天齊  
 功出生兩儀化成九宮三界分立真土納容  
 太一元精使兆得道升真蓬靈上天度人嚴  
 攝北鄴神王受命普掃不祥長牙吐毒方願  
 四張錦額前驅嚴斗仗掃掃火萬里流鈴八  
 衝敢有干試拒過上真金錢前戮巨獸後刑  
 屠割鬼爽風火無停千千截首萬萬崩形魔  
 無干犯鬼無秋精三官北鄴明檢鬼管不得  
 容隱金馬驛呈毒告無窮萬神咸聽三界五  
 帝列言上清空洞元精太一未名土行六虛

變化萬生王京金城神倉九清一土所生諸  
 天備成非土不生非土無陽粗土為空下出  
 龍康眇眇億劫混沌之中上空生色下空生  
 淵空極生風風蕩水傾風澤洞虛金剛乘天  
 天上天下無幽無冥無形無影無極無窮演  
 障真土疆名太一內號元精元精之陽邊廓  
 無光赤明開圖運度自然元始道先安鎮土  
 元空梵成文數落五篇赤書玉字八威龍文  
 保制劫運使天長存梵天彌羅萬範開張元  
 網流演三十二天輪轉無色周回十方旋斗  
 歷其回度五常三十五分總悉上元八景冥  
 合悉入玄玄玄中太皇上帝高真汎景太霞  
 肅詠洞章金真朗郁流響雲霄玉音攝炁靈  
 風聚煙紫虛鬱秀輔翼萬仙是皆真土太一  
 元精變炁化成無土不成與道為盟土雖無  
 形內有生真土為牝牡播精留神千和萬合  
 自然成真真中有神長生大君青華公子玉  
 妃尊神太一元精司命大神桃康合延體玉  
 揚律執符把籙保命生根上遊上清出入華  
 房八冥之內細微之中下鎮人身泥丸絳宮

中理五炁混合百神十轉迴靈萬炁齊仙  
 道貴生无量度人上開八門飛天法輪罪福  
 禁戒宿命因緣普受開度死魂生身身得受  
 生上聞諸天諸天之上各有生門中有空洞  
 誦歌之章真王靈篇辭參高真

第一太一元精太空之音

三界未造	天地無名	十方皆空
空亦寓稱	不識道祖	以空迷形
空為無有	徧處混成	一切眾生
但知土名	為空所隔	不見道真
不知空者	空非本稱	認空棄道
著空滯聲	不知其空	所空無形
無形者何	是真土精	不知真土
妄認為空	空性頑慢	何緣物生
故知三界	萬天九清	玉京大山
鬱羅高臺	不能自有	因土乃生
土名真空	出生萬化	離空求真
皆是幻假	勿取此空	自障其目
拂空翳除	真土露形	蕩蕩道體
無所不成	兆之玄北	日飲土精

107 A. 111-3

故能長生 邀遊赤城 真土之蒸  
立可仙身

第二太一元精真王之章

高上神霄 去地百萬 周回八方  
真遊降盼 神霄之境 碧空為徒

不知碧空 是土所居 此非世間  
陰濁之上 獨能植生 歲除月更

春至則復 遇夏乃繁 況此真土  
無為無形 不有不無 萬化之門

積雲成霄 剛炁所持 履之如綿

萬鈞可支 玉臺千劫 宏樓八披

梵炁所乘 雖高不巍 內有真土

神力固維 太一元精 世不能知

我今為此章 清音自合離

第三太一元精真王歌曰

第三太一元精真王歌曰

朝登太元阿 夕宴天河源 人間已再劫

閨風春正鮮 星羽整魏冠 鸞龍御神風

霄程不計里 紫雲但瞳矐 玉女曼鳴庚

清音自寥寥 喚此浩劫迷 英愷登雲濤

香煙起綠窻 赤錦迴紫霄 翠色慄長樓

電旗隨雲飄 彩虹展瓊梁 萬仙舞靈譚

世界量三千 真土所倫陶 不知道德母

委聖奔蕭翹 哀此塵中流 歌此撫雲璣

此三界之上飛空之中真王歌音容洞章

誦之百編名度南宮誦之千編真王保迎萬

徧道備飛昇太空過度三界位登位公有聞

靈音真王敬形勅制地祇侍衛送迎拔出地

戶五苦八難七租昇遷永離鬼官魂度朱陵

受鍊更生是謂无量普度無窮有秘上天文

諸天共所崇泄慢墮地獄禍及七租翁

道言此二章並是請天上帝及至靈真王隱

秘之音判指真土道之所歸太一元精長養

光輝兆能體之不有凶象性金空土子順母

和定而守之息息不離太元之山巨樓雙路

納真吐氣此命所依滅空見土萬氣可補神

氣相融死戶自封皆是大梵之言非世上常

辭言無韻麗曲無華宛故謂玄奧難可尋詳

上天所寶秘於玄都神霄玉清玉府運行壬

辰大君下降奉教以傳若有至人齋金寶質

心依舊格告盟十天然後而付焉

道言夫天地運度否終日月五星虧盈至聖

神人休否末學之夫疾傷凡有此災同氣皆

當齊心修齋六時行香十徧轉經福德立降

消諸不詳无量之文普度無窮

道言夫末學道淺或仙品未克運應滅度身

經太陰臨過之時同學至人為其行香誦經

十過以度屍形如法則太一護宅元精灌形

真王長生生炁來并魂神徑上南宮隨其學

功計日而得更生輪轉不惑便得神仙

道言夫天地運終星宿錯度日月失明四時

失序陰陽不調國土有災兵刑鬼盜疫毒流

行兆民死傷師友命過法學禍殃亦當修齋

行香誦經夫齋戒誦經功德甚重上消天災

保鎮帝王下攘毒害以度兆民生受受賴其

福難勝故曰无量普度天人

道言凡有是經能為天地帝主兆民行是功

德有災之日發心修齋燒香誦經十過皆諸

天記名萬神侍衛右別至人剋得為聖君金

闕之臣諸天記人功過毫分無決天中真王

亦保舉爾身得道者乃當洞明至言也

諸天中大梵隱語无量音 道君撰  
元始靈書太一元精中篇

東方八天

華生豐角 徧阿靈昧 至冥辨谷  
烈令均馳 獻迪陽循 離連國隣  
召證荷頂 席度招卿 桓卓野迂  
盧丁素稱 馬蘭召靜 越度井庚  
茁苓球部 鸞靈處登 溢揚秉池  
享皆徒澄

南方八天

嶽俞莊乾 弊炎鐘利 廓璘曠時  
僮阮輪技 迸并驛司 牛鬻釐符  
治止物肅 丹壘古洲 燕漏鼎洞  
隔彭輳流 柄否激敦 力奚玄焚  
潛求猛需 液釜紀昆 真昂燬幾  
燿梵就溫

西方八天

觀莽浩都 意梵寂類 悅廣侈特  
宣想冥閻 祝闡文克 闢關洪依  
蹈悅奔權 秀真靈微 罷董吞候

迎東胃旗 鍊祖頓息 遠曠被圭  
鎮摹孽注 協黨建宏 敷落養系  
淵覺秘消

北方八天

臭漢澤官 斗軍司韓 庭曆潘真  
金房壁完 隸書渾島 巴龍幽湍  
釋池頓魂 萬卑左盤 軸樊滋巡  
酉岨瑟觀 灞霞注智 略汧洞關  
攝簡命神 帝皇符溟 作契爛濛  
澗章眩盈

道言此諸天中大梵隱語无量之音舊文太始真王以玄符之毫總括書之太空之中時隱時顯以招太一元精之炁元始祖土出生萬靈為混沌有物之母太玄有命之先兆能知之與空隱淪兆身本空寓精成身自有損實實去還虛虛乃空號身入太无入空如煙散化萬天出空成仙應感隨緣念之即現忘之返玄不知所以自然而然字皆廣長一文天真皇人昔書其文以為正音有知其音能誦而誦之者諸天皆遣飛天神王下觀其身

書其功勳上奏諸天萬神朝禮地祇侍門大敷魔王保舉上真道備剋得遊行三界昇入金門此音無所不辟無所不讓無所不度無所不成天真自然之音也故誦之致真王下觀上帝遙唱萬神朝禮三界侍軒群秩東首

元始无量度人上品妙經卷之十三